

Broj: 04-2-2-653/22
Sarajevo, 01.03.2022. godine

Na osnovu čl. 5. stav (1) tačka k) i 23. stav 1. tačka j) Zakona o Agenciji za bankarstvo Federacije BiH („Službene novine Federacije BiH“, broj 75/17), čl. 188 i 190. stav (1) i (2) Zakona o bankama („Službene novine Federacije BiH“, 27/17) i člana 16. stav (1) tačka m) Statuta Agencije za bankarstvo Federacije Bosne i Hercegovine („Službene novine Federacije BiH“, broj 3/18), direktor Agencije za bankarstvo Federacije BiH, d o n o s i

R J E Š E N J E

o pokretanju postupka restrukturiranja nad Sberbank BH d.d. Sarajevo

1. Ovim rješenjem pokreće se postupak restrukturiranja nad Sberbank BH d.d. Sarajevo (u daljem tekstu: Banka), a imajući u vidu da je ocjenjeno da je stanje Banke takvo da:
 - ona ne može ili vjerovatno neće moći nastaviti poslovanje,
 - nije razumno očekivati da bi bilo koja druga mjera Banke ili lica iz privatnog sektora ili mjere nadzora, uključujući i mjere rane intervencije, ili mjere otpisa i konverzije instrumenata kapitala, mogle u razumnom roku otkloniti smetnje za nastavak poslovanja Banke, uzimajući u obzir sve okolnosti pojedinačnog slučaja,
 - je restrukturiranje banke u javnom interesu, što je utvrđeno i važećim planom restrukturiranja Banke.
2. Razlozi za pokretanje postupka restrukturiranja utvrđeni su Zaključkom Agencije za bankarstvo Federacije BiH (u daljem tekstu: Agencija) br. 03-1-1-652/22 od 01.03.2022. godine.
3. Datumom početka procesa restrukturiranja nad Bankom smatra se 01.03.2022. godine od 19:00 sati.
4. Agencija je u skladu sa članom 189. Zakona o bankama prije pokretanja postupka restrukturiranja obezbjedila provjeru imovine i obaveza Banke.
5. Agencija namjerava restrukturiranje Banke izvršiti primjenom instrumenta restrukturiranja prodaje poslovanja banke, odnosno prodaje dionica, koji je predviđen i važećem planom restrukturiranja kao alternativni instrument restrukturiranja.
6. Ovo rješenje bez odlaganja se dostavlja Banci, Agenciji za bankarstvo Republike Srpske, Centralnoj banci Bosne i Hercegovine, Agenciji za osiguranje depozita Bosne i Hercegovine, Single resolution Board Brussel, Federalnom ministarstvu finansija/finansija i nadležnom registarskom sudu, i objavljuje se u „Službenim novinama Federacije BiH“, u tri dnevna lista u Bosni i Hercegovini, te na internet stranici Agencije.
7. Žalba na ovo rješenje ne odlaže izvršenje istog.

Pravna pouka:

Protiv ovog Rješenja može se izjaviti žalba Komisiji za odlučivanje po žalbi protiv prvostepenih akata Agencije za bankarstvo Federacije Bosne i Hercegovine - Drugostepena komisija u roku od 8 dana od dana dostave Rješenja. Žalba se podnosi putem organa koji je donio rješenje ili Drugostepenoj komisiji direktno, neposredno ili putem pošte na adresu Agencije.

Shodno članu 12. st. (3), (4) i (5) Zakona o Agenciji za bankarstvo FBiH, žalba ne odlaže izvršenje ovog Rješenja, obzirom da se navedene mjere odnose na poduzimanje hitnih mjera i sprečavanje štetnih posljedica koje se ne mogu otkloniti na drugi način.



DIREKTOR

Jasmin Mahmuzić